

## Rojer i Glasspool a keda kòrtiku den kuartfinal

WILLEMSTAD--- E tenista Yu di Kòrsou, Jean Julien Rojer, hungando huntu ku su dòbel Lloyd Glasspool, a mira akshon ayera den wega bálido pa kuartfinal den kategoria dòbel di e torneo di tènìs internashonal, 'Rothesay International Eastbourne Tournament'.

Esaki tabata na momentu

ku nan tabata den akshon enfrentando e tenistanan Marcelo Arevalo di El Salvador i Mate Pavic for di Kroasia. Pues partido den kual Jean Julien Rojer i su eks duo, Marcelo Arevalo tabata kontrinkante, unda ku nan tabata kara kara kontra otro riba kancha di wega, di e torneo ku mester kaba djasabra próksimo, dia 29 yùni 2024. Despues

di a topa otro ayera, e duo Arevalo/Pavic a sali di porta grandi ku triunfo ku skornan di 0-6, 6-4 i 10-6, riba e duo formá pa Jean Julien Rojer i Lloyd Glasspool. •



Tenistanan Lloyd Glasspool i Jean Julien Rojer.

## “Tur mucha mester tin mesun oportunitatnan”



WILLEMSTAD---Fundashon Bicentini ta krea e oportunitat pa muchanan di ménos rekursu for di famianan pover, skolnan, nos hubentut i di organisashonnan deportivo, tur tin e mesun oportunitatnan.

Esaki pa asina nan por práktika deporte i tambe desaroyá i destaká den nan enseñansa. Deporte por hunga un ròl importante pa ku desaroyo di e muchanan, unda ku aktividatnan deportivo ta yuda tambe pa

ku e parti di salú i ta evitá ku muchanan por ta riba kaya, ku tur e konsekuensianan ku esaki por tin. Ku e proyekto pa traha huntu ku skol-, organisashon-, coach- Fundashon Bicentini ta sigurá di ta duna un man i sostené nos hubentut direktamente, ku bista riba un mihó futuro. Mientras tantu banda di e torneo di bario ku lo tuma lugá próksimamente, miembronan di Fundashon Bicentini, enkabesá pa eks tékniko di nos selekshon nashonal di futbòl Remko, a hasi donashon

tambe na diferente skolnan. Esaki pa duna un man tambe na e parti di enseñansa i aktividatnan sosial, unda no ta focus solamente riba e parti deportivo i den bario, pero riba e hubentut i futuro di nos Kòrsou. “Tur mucha tin mester di e mesun oportunitatnan, pa asina nan por desaroyá”, Remko a deklará. Riba kombinashon di fotonan pro mira Remko, tantu ku e muchanan den bario hungando bala, komo tambe ku algun alumno na skol, pa ku un donashon. •

## Kevin Pieter ku mas voto den elekshon delegadonan nobo pa UnRefKo

WILLEMSTAD---Na inisio di e siman aki, UnRefKo ku ta e departamentu di rèfrinan di futbòl lokal, tabatin elekshon pa asina elihí nan 2 delegadonan nobo. Tabata reunion ku a konta ku presensia di 14 diferente miembro kende kada unu tabatin 2 voto. Dos di esakinan a hasi uzo di solamente un di nan votonan, ora ku tabatin 5 diferente kandidato ku a postulá nan mes.

Despues di e elekshon i konteo di voto, Kevin Pieter i Roebunck Mathilda, a resultá e 2 delegadonan nobo pa UnRefKo, komo e

dosnan ku a risibí mas kantidat di voto. Pieter a gana e elekshon ku 8 voto, sigui pa Mathilda ku a risibí 7, Javier Jauregui a risibí 6 voto, Valentino Chance ku 5 i Alvaro de Avila, no a risibí voto. Tabata e siguiente dia, ku miembronan a keda informá ku e elekshon tabata unu ilegal i ku no tin kambio di delegado ainda, unda ku Valentino Chance i Roderick Rojer ta keda e delegadonan den representashon di e federashon di arbitrahe. E motibu di e ilegalidat di e elekshon, no ta konosí, pero lo traha pa un elekshon nobo. •

## Real Rincon vs Vespo den final FFB

KRALENDIJK---E ekiponan di Real Rincon i Vespo, lo topa otro mañan anochi den e gran final di futbòl FFB na Boneiru. Esaki unda ku pa 8'or di anochi, e ekiponan di bario di Rincon, lo enfrentá otro pa e titulo máksimo di e temporada 2023/2024 di futbòl na e isla di flamingo.

Lo bai ta partido ku ta mira akshon tambe den bario di Rincon, riba tereno den Stadion Antonio Trenidad. Real Rincon lo ta buskando nan di 6 titulo sigui den futbòl na Boneiru. Mientras ku Vespo lo trata pa konkista e titulo máksimo, despues di 17 aña. Un gran final, unda ku tambe ku Kòrsou ta bon representá, ku entre otro e futbolista Geryon Alberto, kende ta ku Vespo i sigur últimamente tabata un di e piesanan klave di e ekipo. •

## FFB no a honra protesta di Atlétiko Flamingo

KRALENDIJK---Informashonnan risibí for di nos isla ruman Boneiru, ta indiká ku FFB no a honra protesta di e ekipo di Atlétiko Flamingo.

Esaki despues ku dirigentenan di e ekipo, den un karta ekstensio a duna splikashon amplio, indikando ku den nan último wega kontra Real



Presidente di FFB, Luty Balentien.

Rincon, e últimonan aki a hasi uzo di e hungadó Ginel Ronde, kende lo mester tabata ilegal riba tereno di wega.

Mientras tantu esaki no a keda honrá, unda ku a indiká mesora tambe ku e final di djabièrè ta sigui normal, ku e 2 ekiponan di Rincon den akshon enfrentando otro. •